

ურთიერთთანამშრომლობის მემორანდუმი №01-08-17/01-2024-4

საქართველოს ტექნიკურ უნივერსიტეტსა და ა(ა)იპ „თბილისის მუნიციპალური ლაბორატორიას“ შორის

ერთი მხრივ, საჯარო სამართლის იურიდიული პირი - საქართველოს ტექნიკური უნივერსიტეტი (შემდგომში „უნივერსიტეტი“), წარმოდგენილი ადმინისტრაციის ხელმძღვანელის, კარლო კოპალიანის სახით და მეორე მხრივ, ქალაქ თბილისის მუნიციპალიტეტის არასამეწარმეო (არაკომერციული) იურიდიული პირი „თბილისის მუნიციპალური ლაბორატორია“ (შემდგომში „ლაბორატორია“) წარმოდგენილი დირექტორის თამაზ ალიბეგაშვილის სახით (ერთობლივად წოდებულნი, როგორც „მხარეები“), სარგებლობენ რა ურთიერთგაგებისა და პატივისცემის პრინციპით, გამოხატავენ ურთიერთთანამშრომლობის სურვილს და საქართველოს მოქმედი კანონმდებლობის შესაბამისად, თანხმდებიან შემდეგზე:

მუხლი 1. მემორანდუმის საგანი

1.1. მემორანდუმის საგანს წარმოადგენს მხარეთა შორის საგანმანათლებლო სფეროში ურთიერთთანამშრომლობა, მხარეები განსაზღვრავენ ურთიერთთანამშრომლობის სტრატეგიას და წახალისებენ საქართველოში მშენებლობის დარგის განვითარების ხელშეწყობას ორმხრივი ინტერესების სფეროში თანამშრომლობის გაღრმავებას, ერთობლივი ღონისძიებების განხორციელებას.

1.2. საქართველოს ტექნიკური უნივერსიტეტის ბაკალავრიატის და მაგისტრატურის საგანმანათლებლო პროგრამების „მშენებლობა“ სტუდენტების („პრაქტიკანტი“) საწარმოო პრაქტიკის გავლა ა(ა)იპ „თბილისის მუნიციპალური ლაბორატორია“-ში.

1.3. ა(ა)იპ „თბილისის მუნიციპალური ლაბორატორია“ გამოთქვამს მზადყოფნას უნივერსიტეტის სტუდენტებისათვის საწარმოო პრაქტიკა განახორციელოს ანაზღაურების გარეშე.

მუხლი 2. მემორანდუმის მიზანი

სტუდენტების პროფესიული განვითარების ხელშეწყობა, პრაქტიკის გავლა და კვალიფიციური, კონკურენტუნარიანი კადრების მომზადება.

მუხლი 3. მხარეთა უფლება-მოვალეობები

3.1. „უნივერსიტეტი“ უზრუნველყოფს:

- ა) ა(ა)იპ „თბილისის მუნიციპალური ლაბორატორია“-ში პრაქტიკანტების გაგზავნას და მათზე კონტროლს საწარმოო პრაქტიკის პერიოდში;
- ბ) საწარმოო პრაქტიკაზე პასუხისმგებელი პირის გამოყოფას;
- გ) „ლაბორატორია“-სთან შეთანხმებით სტუდენტთა საწარმოო პრაქტიკის გრაფიკის განსაზღვრას;

დ) პრაქტიკანტი სტუდენტების სახელობითი სიისა და პრაქტიკის სილაბუსის მიწოდებას პრაქტიკის დაწყებამდე 1 (ერთი) თვით ადრე.

ე) უნივერსიტეტის სტუდენტები თავის მხრივ ვალდებული არაიან სრულყოფილად დაიცვან მენტორის/ პრაქტიკის ხელმძღვანელის მითითებები.

3.2. „ლაბორატორია“ უზრუნველყოფს:

ა) კალენდარული წლის განმავლობაში უნივერსიტეტის ბაკალავრიატისა და მაგისტრატურის საგანმანათლებლო პროგრამის „მშენებლობა“-ს 20 სტუდენტის საწარმოო პრაქტიკის გავლას, მისამართზე: ქ. თბილისი, დ. აღმაშენებლის გამზირი 140ა/პასტერის 7;

ბ) სტუდენტთა საწარმოო პრაქტიკაზე პასუხისმგებელი პირის (მენტორი) გამოყოფას, რომელიც უზრუნველყოფს საქმისადმი კოორდინაციას, კონტროლს და შესაბამისი დასკვნის წარმოდგენას პრაქტიკანტის დახასიათების მიზნით.

გ) თითოეული სტუდენტის მიერ საწარმოო პრაქტიკის სრულფასოვან და ეფექტურ გავლას.

დ) სტუდენტებისათვის ლაბორატორიის დებულების შინაგანაწესის, ტექნიკისა და ხანძარსაწინააღმდეგო უსაფრთხოების ნორმების გაცნობას.

ე) დაიცვას კომპანიის თანამშრომლების მხრიდან არასათანადო მოპყრობის, შეურაცხყოფისა და უყურადღებობისაგან.

ვ) საწარმოო პრაქტიკის დასრულებისთანავე თითოეულ სტუდენტზე სრული მოსწრებისა და მენტორის შესაბამისი დასკვნის წარმოდგენასა და ლაბორატორიის ბეჭდით დამოწმებული დასკვნა-დახასიათების გაცემას.

მუხლი 4. პრაქტიკის ხანგრძლივობა

პრაქტიკის ხანგრძლივობა სტუდენტთა თითოეული ნაკადისათვის განისაზღვრება არანაკლებ 90 საათით სემესტრში, რომელიც შეიძლება შეიცვალოს მხარეთა შეთანხმებით.

მუხლი 5. მემორანდუმის მოქმედების ვადა და შეწყვეტის პირობები

5.1. მემორანდუმი ძალაში შედის ორივე მხარის მიერ მისი ხელმოწერის დღიდან და მოქმედებს 2026 წლის 31 დეკემბრის ჩათვლით.

5.2. მემორანდუმის ვადაზე ადრე შეწყვეტა შესაძლებელია მხარეთა ურთიერთშეთანხმების საფუძველზე, წერილობითი ფორმით შედგენილი, ორივე მხარის მიერ ხელმოწერილი შეთანხმებით.

5.3. მხარეები თანხმდებიან, რომ წინამდებარე მემორანდუმის შეწყვეტის შემთხვევაში, მიმართავენ ყველა ზომას რათა არ შეფერხდეს მიმდინარე პროექტების განხორციელება.

5.4. წინამდებარე მემორანდუმში ნებისმიერი ცვლილების შეტანა შესაძლებელია მხარეთა შეთანხმებით და საჭიროებს წერილობითი ფორმის დაცვას.

მუხლი 6 . ფორს-მაჟორი

6.1. მხარეთა პასუხისმგებლობას გამოიყენებს ფორს-მაჟორული გარემოებებით გამოწვეული ვალდებულებათა შეუსრულებლობა ან/და არაჯეროვანი შესრულება. ფორს-მაჟორულ გარემოებებად ითვლება ომი, სტიქიური უბედურება, ხანძარი, მასობრივი არეულობა, აგრეთვე ხელისუფლების მიერ გამოცემული ნორმატიული აქტები, რომლებიც ზღუდავს ან აბრკოლებს ვალდებულებათა შესრულებას.

6.2. თუ ფორს-მაჟორულ გარემოებებს აქვთ დროებითი ხასიათი, მათზე მითითება დაიშვება მხოლოდ იმ პერიოდში, როცა ისინი გავლენას ახდენდნენ მხარეთა ვალდებულებების შესრულებაზე. თითოეული მხარე ვალდებულია ფორს-მაჟორული გარემოებების შესახებ დაუყოვნებლივ აცნობოს მეორე მხარეს.

მუხლი 7. დასკვნითი დებულებანი

7.1. მემორანდუმის საფუძველზე მხარეთა შორის წარმოშობილი ურთიერთობა არ ნიშნავს რაიმე სახის ასოციაციის, კავშირის ან/და გაერთიანების შექმნას.

7.2. წინამდებარე მემორანდუმი არ წარმოშობს მხარეთა შორის რაიმე სახის ფინანსურ ვალდებულებას. თანამშრომლობის პროცესში მსგავსი ურთიერთვალდებულებების წარმოშობის შემთხვევაში მხარეებს შორის გაფორმდება დამატებითი შეთანხმება.

7.3. მესამე პირებთან ურთიერთობაში არცერთი მხარე არ არის უფლებამოსილი, იმოქმედოს ან/და გამოვიდეს მეორე მხარის სახელით.

7.4. მემორანდუმი შედგენილია ქართულ ენაზე, თანაბარი იურიდიული ძალის მქონე 2 (ორი) იდენტურ ეგზემპლარად, რომელიც ინახება მხარეებთან.

7.5. საკითხები, რომლებიც არ არის მოწესრიგებული აღნიშნული მემორანდუმით, განისაზღვრება დამატებითი შეთანხმებით, რომელიც, ასეთის არსებობის შემთხვევაში, წარმოადგენს მემორანდუმის განუყოფელ ნაწილს.

მუხლი 8. მხარეთა რეკვიზიტები და ხელმოწერა

<p>სსიპ „საქართველოს უნივერსიტეტი“</p>	<p>ტექნიკური</p>	<p>ა(ა)იპ „თბილისის მუნიციპალური ლაბორატორია“</p>
<p>საიდენტიფიკაციო კოდი: 211349192</p>		<p>საიდენტიფიკაციო კოდი: 402008046</p>
<p>მისამართი: თბილისი, კოსტავას ქ. 77</p>		<p>მისამართი: ქ. თბილისი, დ. აღმაშენებლის გამზირი 140ა/პასტერის 7</p>
<p>ადმინისტრაციის ხელმძღვანელი</p>		<p>დირექტორი</p>
<p>კარლო კოპალიანი</p>		<p>თამაზ ალიბეგაშვილი</p>